

UTL AT DOWNSVIEW



D. RANGE BAY SHLF POS ITEM C
39 10 12 02 10 005 4

BP
53
C4
18--

Cevdet Ahmet, paga
Ma'lumat-i nafi'a


PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

4427

21/14

5



Digitized by the Internet Archive
in 2010 with funding from
University of Toronto

Cevdet Ahmet, paşa

Maclūmāt-ı nāfī'a

مجلس عالی تنظیمات اعضاسندن

فضیلتلو جودت افندیك مقدا

قله آلدیغی معلومات نافعہ

رسالہ سیدر



معلومات نافعه

بِسْمِ اللَّهِ الرَّحْمَنِ الرَّحِيمِ

بِسْمِ

الحمد لله رب العالمين والصلوة والسلام على رسو لنا محمد
واله وصحبه اجمعين بعد ذا معلوم اوله كه بو عالم يوق ايكن
الله تعالى حضر تلى آنى يوقدن وار ايتدى وقيامته قدر بو
عالمك بنى آدمه معبود اولمسنه اراده ازيله سى تعلق ايتمكه
حضرت آدمى طرافدن برادوب آنك ذريتيله عالمى مزين ايلدى
وبنى آدمه اكرك ايكماجه وكر ك اخرتجه لازم اولان احكامى بيلدرمك
ايچون بيلدرندن بعضيلرينه پيغمبرلاك رتبه عليه سيله قدر ومزيت
ويروم خسائر فلسدن ممتاز ومستثنا ايلدى وپيغمبران عظام
عليهم الصلوة والسلام افسدميز جبرائيل عليه السلام واسطه
سيله احكام شرعيه عليه سن بيلدردى آنر دخی اول احكامى
جبريل امينك كنور ديكى كى امتلرينه تبليغ يورديلر جله پيغمبر لرك
اولى آدم عليه السلام و آخرى محمد مصطفى عليه
الصلوة والسلام افندمز در بو ايكيمنك ارا سنده چوق

پیغمبر کلوب یکم شد اما عددنی انجق الله تعالی حضرت تری
 یلور اسمری معلومز اولان انبیای عظام علیهم السلام بونلردر
 آدم شیت ادریس نوح هود صالح ابراهیم
 اسمعیل اسحق یعقوب یوسف ایوب لوط
 شعیب موسی هرون داود سلیمان یونس الیاس
 الیسع ذوالکفل زکریا یحیی عیسی محمد مصطفی علیهم
 السلام عزیر و لقمان و ذوالقرنین دخی قرآن کریمده مذکوردر
 انجق انلرک حقنده علما اختلاف ایتدیلر و بعضیلرینی و بعضیلر
 ولیدر دیدیلر حضرت محمد حبیب الله ابراهیم خلیل الله موسی کلیم
 الله عیسی روح الله آدم صنی الله نوح نجی الله علیهم الصلوٰة والسلام
 بوالتیسی جمیع انبیانک افضل اولوب انلره اولوالعزم دینلور جله سندن
 افضل محمد مصطفی علیه الصلوٰة والسلام افندیمر حضرتلریدر
 الله تعالی حضرتلری طرفندن یر یوزینه یوز صحف درت کتاب نازل اولمشدر
 و جله سنی جبریل امین علیهم السلام کتور مشدر بو صحفک اونوی
 حضرت آدم علیه السلامه الیسی حضرت شیت علیه السلامه
 اوتوزی حضرت ادریس علیه السلامه اونوی حضرت ابراهیم
 علیه السلامه کلشدر درت کتاب تورات زبور انجیل قرآن
 اولوب تورات شریف موسی علیه السلامه زبور شریف داود
 علیه السلامه انجیل شریف عیسی علیه السلامه قرآن کریم آخر
 زمان پیغمبری محمد علیه الصلوٰة والسلام افندیمر حضرتلرینه نازل
 اولمشدر نوح علیه السلام وقتنده طوفان اولوب بتون دنیای

صوقا بلدی و یر یوزنده اولان جمیع انسان و حیوانات هلاک اولدی
 فقط نوح علیه السلام ایله سفینه ده بولنان اهل اسلامه قور تیلوب
 ناس انلردن تولد و تناسل ایلدی و حضرت نوح علیه السلام سفینه یه
 بندیکی وقت هر نوع حیواناتدن برر چفت المش اولدیغندن سائر
 حیواناتدن انلردن اورده دی و حضرت نوح علیه السلام اوج اوغلی
 و ارایدیکه سام یافت حام ایدی شمدی عالمده موجود اولان
 ناس بواچنک نسلندندر بو سبیدن نوح علیه السلام اب ثانی
 یعنی ایکنجی پدر عداو لنور حضرا اسمعیل ایله حضرت اسحق علیه
 السلام حضرت ابراهیم علیه السلام اوغلریدر حضرت اسحق علیه
 السلام اوغلی حضرت یعقوب و یعقوب علیه السلام اوغلی
 حضرت یوسف علیه السلام و یعقوب علیه السلام اولاد
 و اعقابنه بنی اسرائیل دینلورکه انلر خیلی چوغاله رق ایچلرندن پک
 چوق پیغمبرلر کلمشدر حتی حضرت موسی هرون داود سلیمان زکریا
 یحیی عیسی علیهم السلامدن انلردندر حضرت سلیمان حضرت
 داودک اوغلی و حضرت یحیی حضرت زکریانک اوغلیدر و حضرت
 هرون حضرت موسی نک برادریدر اما حضرت اسمعیل علیه
 السلام ذریقی عرب اولوب اندن رسول اکرم و نبی محترم محمد علیه
 الصلوٰة و السلام افندیمر ظهور ایتشدر هود علیه السلام عاد
 قومنه صالح علیه السلام ثمود قومنه کوندرلدیکی مثللو موسی عم
 دخی بنی اسرائیله کوندرلمشدر و هرون داود سلیمان زکریا یحیی
 علیه السلام دخی کذلک بنی اسرائیل بعث اولمشدر لکن انلر آرو

شریعتی او ایوب بنی اسرائیل موسی علیه السلام شریعتنه دعوتله
 مأمور اولمشدر واکرچه داود علیه السلامه زبور نازل اولمش ایسه
 ده انده احکامه دائر برشی^۱ اولیوب بلکه مواعظ و نصایحدن عبارت
 اولمسيله توراتک حکمنی ناسخ ایتیموب بلکه آنی تأیید ایتدی و بوجهته
 حضرت موسی نک شریعتی حضرت عیسانک ظهورینه قدر باقی اولدی
 اما حضرت عیسی کانبجه آنک شریعتیه حضرت موسی نک شریعتی
 منسوخ اولدی یعنی حکمی قالمدی و آند نصکره حضرت موسی نک شریعتیه
 عمل جائز اولیوب تا شریعت محمدیه ظهور ایدنبجه ده دک حضرت عیسانک
 شریعتیه عمل اولنمق لازم کلدی اما بنی اسرائیل اکثریسی حضرت عیسی
 علیه السلامه ایمان ایتیموب ینه تورات ایله عمل ایتکه مصر اولدیلر
 اشته یهود بلکه نصاری اولوقت ایرلدیکه حضرت عیسیایه
 ایمان ایدنلر نصاری اولدی انلره دخی خرسدیان دینلور و حضرت
 عیسیایه ایتیموبده اولوقت کفر ضلالتده قلانلره یهودی دینلدیکه
 انلر حالا حضرت موسانک شریعتیه عمل ایدوب تورات وزبور
 او قورلر نصاری دخی حالا حضرت عیسانک شریعتیه عمل ایدوب
 انجیل او قورلر حالبوکه سید الکونین و رسول الثقلین محمد علیه
 الصلوة والسلام افندیمز حضر تلی کافئه عالمینه مبعوت اولدی
 و شریعتی که دین اسلامدر جمیع شریعتلری ناسخ و حکمی قیامتده قدر باقی
 اولدیغندن هیچ بریده آنک شریعتدن بشقه دین ایله عمل اولنمق جائز
 اولدی و آند نصکره پیغمیر کلک احتمالی قالمدی بزکه الحمد لله امت محمدزودینمز
 دین اسلامدر جمیع انبیای عظام علیهم السلامه اینانورز جمله سی الله طرفندن

کوند رلمش پیغمبر لر در فقط قرآن کریم نازل اولنجده سائر شرعیعتلر منسوخ
 اولدی انکچون انلرله عمل جائز دکدر نصاری دخی یکن پیغمبر لره اینا نورلر
 فقط بزم پیغمبر یمزه اینانمد قلدن کفرو ضلالتده قالدیلر اما یهود دیلر
 بزم پیغمبر یمزه اینانمد قلدی کبی حضرت عیسی یه دخی اینانمد قلدن
 انلر دین اسلامدن ایکی مرتبه اوزاق قالدیلر یهود ایله نصاریه اهل
 کتاب دینور که نکاح ایله انلر قاریلرینی آلمق و کسد کلرینی بمک جائزدر
 اما هیچ بر پیغمبره ایمان ایتیمان و اهل کتاب اولیان مشرکین بتون اهل
 اسلامدن اوزاق دوشد کلرندن اهل اسلامه کوره شرعا نکاح ایله
 انلر قاریلری النماز و کسد کلری نیز حضرت عیسانک اون ایکی اصحابی
 و ارایدیکه آنلره حواریون دیرلر ایدی حضرت عیسی سمایه رفع اولندقدن
 صکره دین عیسی بی انلر نشر ایتدیلر لکن صکره دن کلان نصاری فرقه
 فرقه آریلوب ایچلرندن بر برینه اویمز نیجه مذهبلر ظهور ایتدی
 و مرور زمان ایله اکثر عیسی منقرض اولوب شمعی مشهور اوله رق
 درت مذهبلی قالمشدر که روم ارمنی قتلک پروتستان مذهبلیدر
 بونلرکجه له سی انجیلی اوقیوب حضرت عیسی علیه السلامه منسوبیتیه
 اجرای آیین ایدرلر لکن چوق مادهلر ده اعتقاد لری و عمللری
 بر برینه مخالفدر و جله سنده بردن نصاری و خرسیتیان دینلدیکی
 کبی عیسوی دخی دینور یهود ملتیه دخی موسوی دینور
 شمعی یر یوزنده تخمیناً سکز یوز ملیون نفوس اولوب
 یوز قرق سکز ملیون ملت اسلامیه و یتش ملیون روم ایله
 ارمنی یوز یکر می ایکی ملیون قتلک یتش بش ملیونی پروتستان

بش ملیونی یهود باقیسی اهل کتاب اولمیان و هیچ بر پیغمبر طائیان اهل
شرک تخمین اولنه یورنتکیم زیرده کی جدولده علی الترتیب کوسترلمشدر

| | | |
|-------------------------|-----|--------|
| مسلمان | ۱۴۸ | ۰۰۰۰۰۰ |
| روم ایله ازمنی | ۰۷۰ | ۰۰۰۰۰۰ |
| قتولک | ۱۲۲ | ۰۰۰۰۰۰ |
| پروستان | ۰۷۵ | ۰۰۰۰۰۰ |
| یهودی | ۰۰۵ | ۰۰۰۰۰۰ |
| اهل کتاب اولمیان مشرکتر | ۳۸۰ | ۰۰۰۰۰۰ |

۸۰۰ ر ۰۰۰ ر ۰۰۰

اشبو سکز یوز ملیون خلقتک ایکوزاللی ملیونی اوروپاده و درتیوز
یکرمی ملیونی آسیاده و یتش ملیونی افریقاده قرق بش ملیونی امریقاده
واون بش ملیونی اوستریا دنیلان جزائر بحر محیطده درنتکیم زیرده کی
جدولده کوسترلمشدر

| | | |
|--------------|-----|--------|
| آوروپاده | ۲۵۰ | ۰۰۰۰۰۰ |
| آسیاده | ۴۲۰ | ۰۰۰۰۰۰ |
| افریقاده | ۰۷۰ | ۰۰۰۰۰۰ |
| امریقاده | ۰۴۵ | ۰۰۰۰۰۰ |
| اوستریا یاده | ۰۱۵ | ۰۰۰۰۰۰ |

۸۰۰ ر ۰۰۰ ر ۰۰۰

معلوم اوله که افندیمر علیه الصلوة والسلام دارعتبایه تشریف
پیوردقدنصکره ابوبکر رضی الله عنه حضرتتری خلیفه اولمشدر
آنک وفاتندنصکره عمر عثمان علی رضی الله عنهم حضراتی صره سیله

خليفة اولديلر بودردينه خلفاء راشدين دينور كه زمان
 سعادتده فصل احكام شرعيه تماميله اجرا بيور يلوب عالم
 عدل وحقانيتله منور اولمش ايسه انلك زمان خلافتلرنده دخی
 اويله اولمش واحكام شرعيه نك اجرا سنده اصلا قصور اولنماشدر
 بودردی دخی جله اصحاب اكرامك افضلدرلر بر برينه نسبتله
 فضيلتلى دخی خلافتلى ترتيب اوزره در ابو بكر رضى الله عنه
 حضرتلر نك زمان خلافتلرنده اهل اسلام عربستاندن طشره
 چيقوب بلكه عربستان ايچنده ظهورايدن بعض اختلاطك تسويه سى
 وبعض مرتك تأديب و تربيه سيله او غراشدينر و رسول اكرم عليه السلام
 افنديمك داربقايه انتقاللى سبيله بين العرب خيلى اختلالر ظهورايتمش
 ايكن ابو بكر رضى الله عنه حضرتلر نك هميله جله سى مندفع اولوب
 وقت سعادتده اولديغى كى طائفة عرب ينه يكدل ويكچمت اولديلر
 اندن حضرت عمر رضى الله عنه خليفه اولنجه اصحاب كرامه بر خطبة
 بليغه او قودى شويله كه اصحاب رسول الله عربستان انجق سرك
 اتلريكه آرپه يتشديره بيلور و برده كرك دنيوى و كرك اخروى اوله
 بيله جك سعادتاشته بو قدر در الله تعالى حضرتلى ايسه امت محمد
 بو ير يوزينك هر طرفنده يرو مملكت و يره جكنى وعدايتشدر قنى بو موعود
 اولان ممالكى ضبطايله دنياده بونجه غنيمته و آخرتده غزا يا خود شهادت
 رتبه سنه نائل اولمق استين ارلر و زرده دين او غرينه جان و باش فدا
 ايده جك و وطنلرندن چيقوب اعدا اوزرينه كيده جك غازيلر ديو

اصحاب کرامی جهاد و غزایه تشویق بیوردی اشته ممالک اسلامیه نك
وسعت بولسنگك مبدأ حضرت عمر ك بونطقیدر ككه آنك
اوزرینه اصحاب کرام عمر لرینی جهاد و غزایه صرف ایتمكه عهد
و اتفاق ایلدیلر و حضرت عمر ك ترتیبیله طرف بطرف اوردیلر
چیقاروب اهل اسلام یرلرینی و یور تیرینی ترك ایله عربستاندن
چیقوب اطرافه یایلدیلر و کیدنلرك اکثریسی بردها کیرودونمیوب
بولندقلری یرلرده اولنجیه قدر جهاد ایله اوغراشدیلر بوضورتله
آز وقتنده چوق مملكتلر آندی و اولوقت ایکی بیوك
دولت اولوب بریروم و دیگرى عجم دولتی ایدی اهل اسلام
ایکیسینه دخی غلبه ایدی خصوصاً عجم دولتی اولوقت بتون
مغلوب و مضحمل اولوب جمیع مملكتلری طرف اسلامیاندن
ضبط اولندی عثمان و علی رضی الله عنهما حضرتلرینك
ایام خلافتلرنده دخی بویله غزایله اوغراشلدی انجق
حضرت عثمان رضی الله عنه وقتنده بعضرا اهل بغی ظهور
ایدوب حضرت عثمانی شهید ایتدیلر حضرت علی کرم الله وجهه
بویله خارجی غوغالری ظهور ایلدی و اهل اسلام ایچنده اتفاقسزلق
پیدا اولغه باشلدی فتح و ظفر كك بیوك سبی ایسه اتفاق
و اتحاد اولدیفندن بونلرك زمانلرنده حضرت عمر زمانی قدر
فتوحات اولدی و اهل اسلامك اتفاق و اتحاد لرینی حاصل ایدن
حضرت ابوبکر الصدیق اولدیغندن بوسرمایه ابتدا اول تدارك
ایتمش و صكره حضرت عمر الفاروق برینه صرف ایدرك بوقدر
فتوحات جممیه مظهر اولمشدر و صكره اهل اسلام ایچنده

بعض مرتبه اتفاقسزلق ظهور ایتکه باشلاینجہ اوحیز کسلدی
 بودر دینک ایام خلافتلری اوتوزسنه مقداری اولوب بووقلر
 افندیز علیه السلام حضرتلرینک زمان سعادتلری کبی کوزل یکدی
 اندنصکره خلافت دولت وسلطنته منقلب اولوب حکومت جابر
 ظهور ایتدی و اهل اسلام ایچنده نیجه بدعتلر و درلو درلو باطل
 مذهبلر تکیون ایدرک نیجه کسهلر ضلالتده قالدی فقط اصحاب
 کرامک ایزینه کیدنلر هدایتہ ایردیکه انلره اهل سنت والجماعت دیرلر
 حق مذهب دخی بودرکه افندیز علیه الصلوٰۃ والسلام حضرتلرینک واصحاب
 کرامک کتدیکی طریق مستقیمد و مرور زمان ایله سائر مذهبلر منقرض
 اوله رق شمعی اکثری ممالک اسلامیہ بومذهب اوزره و اهل
 سنت والجماعته مخالف اوله رق میدانده یالکز برشیعه مذهبی
 قالمشدرکه حالا ایران طرفلرنده جاریدر انلره شیعی دینور
 که انلر افندیز علیه الصلوٰۃ والسلام حضرتلرنده نصکره خلافت
 حضرت علینک حق ایکن ابوبکر ایله عمر غصباً آنک حقنی الوب اندن
 اول خلیفه اولدیلر دیهرک و اکثر اصحاب کرام حقنده سؤظن ایدرک
 صایدیلر و اهل سنتدن آیرلایلر و **ا**کچه بعض یرلرده سائر
 مذهبلردن بعضیلری دخی موجود ایسه پک آز اولدقنلر
 و مستقل حکومتلری المدیغندن شمعی مشهور اولان بوایکی
 مذهب اولوب مسلمان و محمدی دینلان امت محمدیه اهل سنت
 ایله شیعیلردن عبارت کبی قالمشدر انجق اهل سنت دخی عملیانده
 درت مذهبہ منقسم اولدیلر اولکیسی حنفیدرکه امام اعظم
 ابوحنیفه رجه الله علیه مذهبیدر ایکنجیسی مالکیدرکه امام مالک رجه

الله عليه مذهبيدر او چنجيسى شافعى رحمة الله عليه مذهبيدر
 دردنجيسى حنبلیدر که امام احمد بن حنبل رحمة الله عليه مذهبيدر
 اما اعتقاد چه بونلر بر برينه مخالف دکلر در بلکه چله سى اهل سنت
 مذهبي اوزره اولوب عقايدده و اصول ديندهده متفقلر در
 و ملت اسلامدهده بوائئه اربعه بيوك ذاتلر و مسلم و معتقد
 مجتهدلر در فقط علميانه دائر اولان بعضى مسائل فرعيدهده حسب
 الايجاب اختلاف ايتشلر در شوييله که بعش و قوعات صراحة شريعتده
 بولمدر يغندن صراحة ثابت اولمش اولان اصول ديندهده قياسي
 ايله عمل ايتکه محتاج اولور علماء ديند بوييله مسائل اجتهداينه
 قادر اولانلر مجتهد دينور مجتهد هر خصوصدهده جدر تمام ايله وسعت
 قدر تنى صرف ايتدکنصکره رأى و ظن غالبى هر نه يه منجر اولور سه
 كرك انك و كرك اكا تابع اولنلرك اولور جهله عمل ايتلرى واجب اولور
 و مجتهد بر مسئلهده خطا ايتش اولسه بيله کنهكار اوليوب بلکه
 مثاب اولور زيرا انسان کندى وسعى مقدارى ايله مأمور و مکلفدر
 او قدر وارکه اگر مجتهد خطا ايدرسه اجتهاد مقابلنده بر ثوابه
 نائل اولور و اگر حق و لو ابه اصابت ايدرسه اون ثواب اولور
 او ائلهده بوييله اجتهداده مقتدر چوق علماء اولوب هر برينه بر نجه ناس
 اقتدا و اتباع ايدرلرايدى اما اکثر يسنك تباعى منقرض اوله رزق
 اهل سنت ايچنده يالکز بودرت مذهب قالدى و صکره
 برارالق اولور اولمز کسهلر چيقوبدهده مجتهدم ديهرك باطل مذهبلر
 چيقار مق احتمالى اولديغندن اهل سنت بودرت مذهبدين ماعدا
 مذهب اقتدا ايتكى ترك ايله بودرتدهده منحصرا ولدیلر و هر برينه اهل

ستدن بر جاعت اقتدا و اتباع ایلدی انجق جله سنك اعتقاد لری
 بر اولدیغندن بر برینی بدعت و ضلالتنه نسبت ایتزلر و حق و صواب
 بودرت مذهبده درد یو اتفـاق ایتد کدنصـکره هر طائفه کندی
 مذهبنی حق اعتقاد ایدرك سائرینه خطا نظریله باقدقـلری جهته
 یئلرنده اختلاف ایدر لر و بویله مسائل اجتهادیه ده شرعدن بر نص
 و صراحت بولمادیغندن اگر چه بر آدمك مذهبی نفس الامر ده خطا اولوبده
 دیگر اوج مذهبدن بریسی حق و صواب اولق احتمالی وار ایسه ده
 هر کس کندی مذهبنه صواب و دیگر اوج مذهبنه خطا نظریله
 یققی لازمکلور و بنم مذهبم حقدر خطا اولق احتمالی دخی واردر
 و دیگر اوج مذهب خطادر حق اولق احتمالی دخی واردر دیماک
 اقتضا ایدر بوجهته بر مذهبیله و دیگر مسئله ده دیگر مذهبه عمل ایدرك
 بودرت مذهبی قارشدر مق جائز دکلدر بلکه بر آدم هر قنغی مذهبه
 اقتدا ایتیش ایسه هر خصـوصـده انکله عمل ایتسی لازمدر قـتـطـعـماء خـو
 لك اکثریسی مذهب حنفینك حق و صواب اولمسنه قرار ویر مشدر
 بوجهته ممالک اسلامیه نك اکثر محمـده مذهب حنی شایع و جاریدر و علی
 العموم بخارایله هندستانك اکثر محلی حنی المذهبدر امام مذهب مالکی
 افریقاده مشهور اولوب افریقانك جانب غریبی سراپا مالکیدر
 و هندستانك بعض ساحلارنده دخی بولنور اما شافعیلرك اکثرتی مدر
 جانبنده و کردستانده و جزیره العربك هر قطعه سنده و هندستان طرفنده
 دروداغستان اهالیسنك جله سی شافعیدر اما حنبلیلر بولره نسبتله
 يك آزدر و اگر چه و قیلله شام و بغداد طرفنده يك چوغالمشرا ایسه ده
 صکرملری منقرض اوله رق شمعی اولدجه کثرنلری بخد طرفنده در

ادله شرعیه در تدر قرآن کریم احادیث شریفه اجماع امت قیاس در که
 بر ماده قرآن کریمه بولنمزه اجماع ایله عمل اولنور واکر اول
 خصوصده اجماع و اتفاق دخی بولنمزه اول ماده بی صراحة آیت
 یا خود حدیث ایله ثابت اولمش اصوله قیاس ایله مجتهدلر اجتهاد ایدوب
 اولوجهله عمل اولنور اما امام مالک بودرت دلیلدن بشقه برده مدینه
 منوره اهالیسنک بر عملده اتفاقنی مستقل بر دلیل عدایتدی و بووجهله
 اتفاقلری البتده تافذیمز علیه السلامه وارنجه خلقک سالفه تقلید
 ایتمسندن نشئت ایدر دیوبودلیلی قیاسه تقدیم ایلدی اما سائر مجتهدلر
 عندنده اهالی مدینهک اتفاقنی ادله شرعیه دن اولیوب حدیث یا خو
 اجماع امت بولنمزه قیاس ایله اجتهاد اولنور انجق اجتهادک ایکی طریق
 واردر اولکیسی اهل عراق طریق اولوب طریق رأی دینور که مسائل
 اجتهادیه ده رأی صحیح استناد ایدرک قیاس ادله سائریه تقدیم ایدرلر
 بو یولده اولان مجتهدلرک رئیس امام اعظم حضرتلری اولوب سر
 مذهبک انده قرار ایتمشدر ایکنجی اهل حجاز طریق اولوب طریق روایت
 دینور که نقل و روایت یولنی قیاسه ترجیح ایدرلر بو یولده اولان مجتهدلرک
 بیوکی امام مالک حضرتلریدر که مدینه منوره امامی اولوب انده ساکن
 ایدی امام شافعی ایله امام احمد بن حنبل دخی امام مالکک اصحابنددر
 انجق امام شافعی امام مالک یولنی تحصیل ایتد کدنصکره بغداد طرفنه
 کند کده امام اعظم حضرتلرینک شاگردانندن پک چوق درس او قیوب
 بو ایکی طریق مزج ایدرک مستقلا بر مذهب اجتهاد ایلدی و کندیبی
 بلغای اولمسيله هر دلیلدن اولایات و احادیثک صورت افاده سنه نظر
 ایدوب نه طرفه قوت بولورسه انکله عمل ایدر واکر بر طرفه قوت


بوله من سه اول وقت طریق قیاسه کیدر امام احمد بن حنبل دخی بو وجهله
 امام مالک یولنی تحصیل ایتد کد نص کره جانب بغداده کتدی که امام اعظم
 حضرت تفرینک شاگردانندن قیاس طریق دخی اخذ ایش ایسه ده پک چوق
 احادیث حفظ ایدرک ابتدا احادیثک بر برینی تأید ایتسنه نظر ایدوب
 آنی سائر ادله ترجیح ایتکله چوق مسئله لر ده رأی بریکلیر مخالف
 کلدی کندن اولدخی بر مستقل مذهب اجتهاد ایتشیدر بو مذاهب اربعه نك
 حالی اولبلده اها ایسنک حالنه بکزر که هر نه مصلحت ظهور ایتسه و طرف
 دولتدن ائله ویرلمش اولان تعلیم نامه ده او مصلحتنه دائر بر صراحت
 بولمسنه اولبلده نك وجوهی و اعضای مجلس بریره کلوب مذاکره
 و مطالعه ایدرک اول خصوصی تعلیم نامه نك مناسب بندینه درج ایله عمل
 ایدر لر و بعضا اولور که بینلر نده اختلاف ایدوب بعضیلری دولتک مقصودی
 اعمار بلاد و ترقیه عباد در دیوب اکا تطبیقاً اول ماده یی رأیلر یله مناسب
 کورینان بنده درج ایدر لر بونلر مذهب خفینک مألیدر و بعضیلر دخی
 طرف دولتدن کلوب کیدن مأمور و مباشر لرک اطوار و حرکاتنه باقهرق
 اکا تطبیق ایله دولتک مقصودی شو و جهله اولق اقتضا ایدر دیر لر بونلر
 دخی مالکنک مألیدو بعضیلر دخی اول امر ده تعلیم نامه نك صورت افاده
 سندن و سیاق و سیاقندن برشی استخراج ایتک طرفنه ذاهب اولور
 بونلر دخی شافینک مألیدر و بعضیلر دخی ابتدا سائر اوامر دولتی بریره
 کتوروب بر برینه تطبیق ایله برشی استفاد ایتکله چالیشور لر بونلر دخی
 حنبلینک مألیدر اشته وجوه بلده دن بودرت فرقه نك هر بری بر در
 بو ملاحظه ایدرک و هر بری کندی ملاحظه سی صوابدر و مراد دولته
 مطابقدر دیرک اجرای مصلحتنه ابتدا ایدر لر دولتک مرادی ایسه


بودرتدن بری اولوب دیگر اوچی خطاده بولورلر انجق بو خطاری
 دولتك امرینه مخالفت قصدیه اولیوب بلکه دردی دخی دولتك
 دلخواهی اوزره امرینی یرینه کتورمکه چالشدق لرندن نظر دولته
 متهم اولزلر بلکه انفاذا امر دولته بویله بذل جهد ایتدکاری ایچون مقبول
 اولورلر فقط صوابه اصابت ایدنلر زیاده تحسین و آفرین اولورلر
 مذاهب اربعه حالی دخی بویله اولوب البتده حق تعددا یتمکه مراد الله
 بر در و بوم مسئله ده در دیده اختلاف ایتسه لر بری صواب اولوب دیگر
 اوچی خطا اوزره اولق لازم کلور انجق بولرک هر بریسی خنی بولق
 ایچون بذل جهد ایتش اولدق لرندن هر بریسی خنی کندی قوقلسه دار
 بو اعتقاد ایترو خطا ایتش اولنلری دخی رفع عن امتی الخطاء والنسیان
 حدیث شریفی مؤداسنجه معفو بلکه مأجور اولورلر بولرله اقتدا
 ایدنلرک حالی دخی بویله درکه هر طائفه کندی مذهبنی حق و صواب
 اعتقاد ایدوب سائرینه خطا نظریله بقار انجق بو اختلافی فروعات
 عملیاتده اولوب اصول دینیه ده عقاید ایمانیه ده متحد اولدق لرندن
 بر برینی ضلالتنه تشبث ایتزلر و بر برینه صایق نظریله باقزلر اشبو مقاله
 موخره مکاتب عمومیه ناظری کمال افندی حضرتلرینک امریله یازلمش
 اولدیغنی اشعار ضمننده انشاد اولنان بیت آتی ایله کلامه ختام ویرلدی

بیت

خامه جودتی تحریک ایدیچک امر کمال

بواثر صفحه تیبضه چکلدی فی الحال









3 1761 07290498 0

Cevdet Ahmet, paşa
Ma'lumat-i nafi'a

BP
53
C4
18--